

中國地方志集成

四川府縣志輯（新編）④5

民國丹稜縣志

光緒青神縣志

民國眉山縣志

巴蜀書社·鳳凰出版社·上海書店

第四十五冊目錄

民國丹稜縣志		一
光緒青神縣志		一九五
民國眉山縣志		三五七

國民

丹稜縣志

民國・劉良模等 修 羅春霖等 纂
民國十二年石印本 八卷首一卷

丹稜縣志原序

丹稜屬眉州在成都西南三百里自隋始名或曰以縣址二十里有赤崖壁立故也地小而僻其民力勤稼穡醇樸有古風隋唐以來馳人間作當兩宋時人父蔚起彬彬乎与眉山等美彭儀書曰余嘗遊竹林寺登龍鵠飄然鼓面諸山訪僧可朋唐子西李父簡父子遺跡固已蕩然不復可攷二三父老又言之不詳及退而攷諸縣志益自歎殘燬闕略弗全者百年於茲嗚呼不有好奇君子修明而補苴之數傳下焉知不泯然並盡也夫是數公者聲著當時風聞後世今其著述已不可盡

丹稜縣志卷首

序一

見而其遺蹤猶復著此況其他哉況其他哉今年春余弟聲泉來京師解所作縣志示余自山川地理以及風土人物之屬森然條貫而於藝文搜討允詳余閱竟嘆曰嗟乎是固余之有志而未逮者雖然不能無感也昔蜀省全志惟嘉靖戊子所訂為最善而藝文敘卷實出楊升菴先生手先生才高學富閱四旬而成編首人稱其美備近世作者為不逮古人乃肆為去取譌加改竄識者笑之吾弟是果一遵升菴先生遺意雖僅備一隅而闕疑存信固可以俟後之君子也已邑人樂齊彭端淑序

修丹稜縣志原序

邑之有乘所以綜得失寓勸懲鏡往古而風來今与國史相表裏者也余自茲丹知邑為舊文獻地宋世如唐子西李父簡諸名賢後先相望萃於一門益極一時之盛矣而邑乘闕如幾於人往風微既而省民疾苦周覽郊原登輒然龍鵠諸勝尋訪遺踪竟与荒煙冷風而俱盡詢之故老甚或不能舉其姓字退攷諸省州志亦復寥寥數行存什一於千百為喟息者久之一日晤彭生延慶語次及其尊人太史存日与舊令蕭山黃君新莊商確有稿未克就緒急索閱之山川風物撰次有條而

丹稜縣志卷首

序二

於先賢嘉言懿行尤為留心採掇爰於簿書之暇就加增訂割條付剞劂氏庶以存一隅文獻且不沒黃彭兩君草創之苦心云耳抑余私竊有感焉前代名賢輩出何後起者之落落也豈風會之盛衰固有時與將鬱之久而必發與抑轉移風會之仍存乎其人與覽斯志者其必有感而奮奮而興思追踪乎曩哲無俾唐李諸公擅美一時是則區區之所厚望也夫時乾隆二十六年歲次辛巳仲冬月下浣知丹稜縣事楚荆門李先泗鏡堂氏謨

重修丹稜縣志叙

彭志載康熙時張署令晚創修邑乘按曉山東進士康熙十五年寧蒲江調丹稜此彭志所稱舊志也下至乾隆二十一年彭啓泉司馬修志時近八十年沿革移積而愈多彭志而康熙以下之事蹟昭然矣自彭志以來百有餘年沿革移積而愈多及今不為採輯將乾隆以下之事蹟奚以傳於後乎鴻猷偉績焜耀一時數傳後猶有失其真者况一邑掌故我夫志所以鏡古今維風化所關至鉅丹稜缺略若良由叠遭兵燹板燬久弗存資斧無所出官又以是邑為傳舍不久輒去其

丹稜縣志卷首

序三

三

与董其後遂因陋就簡以至今余蒞斯土即謀重修適奉憲檄徵邑志因約都人士編次舊刪繁去冗於彭志所未備者以通志補之通志所未備者以檔冊補之檔冊所未備者以耳目聞見補之聞見所未備者則待多識之君子補之但使乾隆以下百有餘年所為沿革移積而愈多之事得以粗傳於後不致有文獻無徵之嘆是即余之志也夫時

光緒十七年嘉平月知丹稜縣事顧汝芳叙

丹稜縣志敘

丹稜志者丹稜之山川土田風俗物產沿革興廢盛衰理亂之迹蓋不志焉志曰丹稜則其地之所有皆舉之矣焉貢職方之載尚矣漢以來地理郡國志方輿勝覽山海經之屬或誕而不經或略而多漏其間固已不能無憾洎后之一統志郡國利弊全書方輿紀要圖說其綱簡於高貴而無遺其目詳於職方而不冗然其規模宏大潤略為天下万世而作實王者事也豈能舉一鄉一邑而纖介備詳哉若夫一縣之志則又有司者之職所不可緩者也民國辛酉春劉前任良模攝篆斯土政

丹稜縣志卷首

序四

四

教既行遂以修廢舉墜為已任慨舊志殘闕故屬筆於明經謝天恩羅春霖等於是謝羅諸君子遂廣詢博采搜秘闕疑旁搜直據刪繁存信本通志凡例越二寒暑而編成使散亂淪落之事彙廢廢滅之迹燦然渾明沿革興廢之端盛衰理亂之由昭然若揭雖國體變更不主有文獻無徵之嘆是真与國史相表裏者也其關係豈淺鮮哉今夫縣之有志猶家之有譜一家且必有譜而後可齊而況於一縣天下之大郡縣之所積也各縣無不治則天下治矣富家者之父祖遺其產業蓋藏之積其子孫或至於遺忘散失卒困窮而無以自全也而猶記籍其家之

所有以貽之使之世守而身用焉以免於遺忘歟夫困窮之患故縣志者非他即一縣之記籍也實亦有司者所當奉為成憲求其所以宜其民因其俗興廢舉墜扶偏救弊者必於志焉是賴蓋一縣未安也亟思所以安之一縣未平也亟思所以平之不安不已不平不已既安且平不足以持之久而行之遠而其心猶終不能已也是故更考縣志酌古準今當因者因當革者革當損者損當益者益又從而勞采匡直輔翼振德則舊染汚俗咸與維新其裨益不速且大哉夫六府孔修三事允治大禹之謨績及今猶昭然也一夫不獲時予之幸伊尹之成訓非後

丹後縣志卷首

序四

五

人偽作也由是觀之一事不修有司之恥一夫失所有司之辜非虛言也浸假未有縣志若金舊章之可循固失之闕陋然既有縣志乃同具文之廢視則又流於放棄矣失之闕陋則尸位之誚興流於放棄則曠官之刺起君子居其位則思修其職以治其官尸位素餐能無自怨自艾乎若是者則亦何貴夫志之有於縣志之為用廣矣大矣幾矣微矣所以鏡往古風來今而昭懲勸也其間政治得失文獻盛衰瞭如指掌俾後之君子得以逐類探求不致茫無所據果能執其兩端用其中於民庶幾免臻治理也欽民國十二年春月知事臨印楊萬成叙

重修縣志凡例

- 一 此次修志大都仍舊略有增補亦如因高為山實賴前人之功第舊志體例未盡合宜攷據一或偶誤不得不為更正非敢妄逞意見
- 一 本志大綱以輿地為首如造屋然必先有基址而後可言建築故以建置次之既量地以制邑度地以居民民以食為先故繼以食貨食貨既裕無君子莫治野人故列官職既已設官分職養之教之人倫明於上士女秀其間斯有人物為桑梓光故先職官而後人物然人物既繁事多複雜故以雜事終焉
- 一 舊志疆域形勢與沿革混合茲特仿四川通志體例分別著明較

丹後縣志卷首

凡例一

六

醒石目

- 一 山脉水道叙明源委凡有古蹟可徵及名人著作隨地附入以便閱者一目了然
- 一 廟寺橋梁墳墓諸端凡有序記詩文誌銘者各附於後俾閱者識其巔末不另列藝文一門
- 一 樂譜舞譜反一切器物今多未能譜習然典章所列要不可廢姑詳記以備考
- 一 舊志物產所載微嫌雜沓此次但取有歸實用者逐條詳註俾識其形狀花葉利益民生餘則概經刪去不取無益害有益
- 一 藥品所以療疾不識其性終違其用茲於花葉氣味一一注明所

主客病悉遵神麓本草其他綱目摘要珍珠囊等書一概不取

一職官一志自民國改憲法制變遷名目亦異理宜判別不与前清

官吏混淆故於知事以下各職另為列表以清朝代

一舊志載唐子西及三彭藝文頗富茲因原有寄稿不及備載非敢

妄肆刪削閱者諒之

一忠孝節義風教所關故本志不憚搜求一一詳載非徒闡微顯

將以廉頑立懦錄及子孫者見善人之有後也

一紀亂詩歌雖近俚俗取其與事實相印證故不妨附載篇末俾閱

者略知當日情形

一邑乘門類繁多調查遠近不一即使編輯博蒐不無遺漏他日損

丹稜縣志卷首

凡例二

七

益增詳以俟君子

一奉簡志局公令生存不錄自述生平不錄本家互標榜不錄邑中

人士懿行若作美不勝書往往限於通令容俟後日再擬遺珠

一繕寫書籍譽校尤難所謂如掃落葉是也此志業經再三較對而

去豕銀根仍所不免且書備識淺未諳字學故凡下筆常有破體

尚祈高明原諒

重修縣志目錄

卷首

序文 凡例 目錄 纂修姓氏 輿圖

卷一

輿地上沿革 疆域 形勢 山脉 水道 要隘 道路

卷二

輿地下 津梁 堤堰 墳墓 禮俗 宗教

卷三

建置 城廂 通祀署 寺街觀市 坊表 鄉場 學校 局所 衙門 廟

卷四

丹稜縣志卷首

目錄

八

卷五

食貨 戶口 製造 機關 器具 田賦 商賦 稅 公費 鹽法 茶法 物產

卷六

職官 校長 縣教諭 訓導 典史 把總 實業 紳士 政績 學

卷七

人物上 科第 選舉 法國 宦達 贈誥 鄉賢 文苑

卷八

人物下 孝友 忠烈 義行 列女 耆壽 閭閻 方外

卷九

雜事 古蹟 金石 誌異 災祥 流寇 祀亂 匪風 捕逮

原修姓氏

張曉 山東進士康熙時令

黃雲 浙江進士乾隆時令

彭遵泗 邑進士任湖廣同知

李光泗 湖北進士乾隆時令

高士魁 江蘇進士道光時令

李昶元 邑進士任貴州知州

顧汝蓀 江蘇拔貢光緒時令

丹稜縣志卷首

原修姓氏

朱文翰 邑拔貢

毛鼎元 邑歲貢

齊肇璜 邑歲貢

郭岱 邑歲貢

九

丹稜縣修志局姓氏

監修 丹稜縣知事劉良模

督修 丹稜縣知事楊萬成

總纂 羅春霖

協纂 李茂華 李華貞

局編輯 謝天恩

文牘 黃元棠

繪圖 李文德

丹稜縣志卷首

修志姓氏

書記 黃文裳

庶務 徐永淙

採訪 崔慎修 歐子魁 趙丙輝 張志紳 彭述

謝鴻恩 胡瑛 陳錫光 李璋 陳國瑞

毛遇隆 彭紹基 張紹猷 羅春膏 李文和


趙珩 張炳奎 藍玉涵 黃文裳 韓康謨

羅作霖 彭宗烈 張士林 何煒 楊炳光

郭培基 夏聯輝 孫承業 謝家鳳 齊兆龍

十

縣城圖



丹稜縣志卷二

輿地志

丹介岷峨之間廣袤百里層巒聳翠溪水濛濛四隨處土田可通泉脉其間疆域形勢開隘津梁道路交錯遼濶險阻蓋蜀南一隕區也明末兵燹地方殘破土曠人稀滿清以來修養二百餘年風俗淳美生齒日繁而人民渾樸智識未開祇因僻處邊隅猶不免有蹈常襲故之病迄今民國成立百度維新增進文明無復舊時弁陬入境而觀風化當先留意版圖焉

沿
革

丹稜在禹貢梁州之域秦為蜀郡地

丹稜縣志卷一

蜀之名見尚書牧誓武王伐殷蜀人助焉按詩氏蜀故云禹貢梁州之域自蠶叢魚鳧而下不通中國者千有餘載至苴蜀相攻秦拔苴滅蜀及巴而郡縣之晉常璩華陽國志蜀之先肇於人皇之際黃帝為子昌意娶蜀山氏子孫封焉秦滅蜀置蜀郡

漢置南安縣地屬益州部犍為郡

漢武帝平西南夷通夜郎以夜郎旁小邑置犍為郡治犍道領縣十二曰犍道江陽武陽南安資中符牛鞞南廣漢陽郁郅朱提堂琅安今丹棱青神樂山犍為洪雅夾江峨眉榮縣皆漢南安縣地

東漢蜀漢如漢舊

東漢分犍為郡之江陽縣蜀漢分犍為郡之南廣朱提二縣各置郡

樊城為郡治武陽樊武陽今彭山縣領武陽南安資中牛脾樊道五縣縣名南安如故

晉初仍屬犍為郡為南安縣尋以犍故多荒廢

州郡志安帝義熙中分南安地置治官縣地理志惠帝後李特僭號據蜀桓溫滅李勢降其地始屬晉咸安二年復沒於苻氏太和八年復為晉有通考李勢時諸獠始出已西犍為諸郡布在山谷攻破郡縣桓溫破蜀山陰多空獠遂挾山傍谷夷漢雜處故南安諸縣升多荒廢

南齊置齊通左郡尋為獠人地

按齊建武三年於武陽別置齊通左郡尋廢又置南安郡縣俱為獠

丹稜縣志卷一

輿地志

沿革

二

亂此後南安之名遂亡

梁改齊通郡後置青州

按梁普通中改齊通左郡為齊通郡太清中置青州今眉山丹稜義眉樂山洪雅夾江諸縣皆屬焉

西魏置眉州又為眉州屬地

按西魏廢帝平蜀改青州為眉州今眉山丹稜青神及嘉定諸縣皆屬焉惟榮縣屬東江陽後復名青州

後周改嘉州分置齊樂縣武帝時改曰洪雅

洪雅舊志後周初以眉州改青州繼改嘉州置四郡平羌郡治平羌

領平羌一縣沈屏郡治武陽領武陽一縣齊通左郡治齊通領齊通

洪雅二縣於洪雅西南置洪雅鎮按齊通周初為齊樂洪雅即今丹稜縣以縣西有洪縣川故名曰洪雅山川志徐河下流合洪川為安河安河漢即洪雅川

隋開皇十二年因邑西南有洪雅鎮分置縣故改為丹稜屬眉山郡

按隋置眉山郡今樂山縣志魏置眉州後周改嘉州青神非今之眉山縣也治龍游領縣九曰龍

游平羌義眉眉山洪雅夾江通義今眉山縣地丹稜青神等縣是也

唐初屬嘉州繼屬眉州

按舊志唐之眉州今之眉山縣隋開皇改曰廣通仁壽元年改曰通

義迄唐武德二年立嘉州次年割通義丹溪洪雅青神四縣於通義

置眉州天寶初改通義郡乾元初復曰眉州宋亦眉州太平興國初

改通義縣為眉山元曰眉州至元二十年省州治眉山縣明洪武九

丹稜縣志卷一

輿地上

沿革

三

年降為眉縣十三年升眉為直隸州領三縣按此唐以前眉山郡實

嘉定清雍正十二年升為嘉定府今府為樂山縣而丹稜不屬眉州唐武德時始改通義

置眉州縣屬焉即今之眉山也

宋仍舊元省八州明洪武十三年復為丹稜屬眉州清因之民國元年

省州為眉山縣邑仍舊名

按丹稜舊名齊樂郡後名洪雅攷舊志舊齊樂郡在東南二十里齊

置郡後周明帝改為縣舊洪雅在城東五里即後周齊樂縣地隋置

洪雅縣屬眉山郡唐初以縣置犍州後廢

沿革表

漢	置南	安屬	提為	郡
晉	南安	縣地		
南齊	置齊	通左	郡	
後周	明帝	置齊	樂縣	
隋	開皇中	因邑南	有洪雅	
唐	武德	二年	置眉	
宋	因之			
元	省入	洪武	年復	
明	因之	十三	置縣	
清	因之		屬眉	
民國	取銷州府	縣均名為		

丹棱縣志卷一

輿地上

沿革

四

清進士邑人彭遵泗總邑志百韻并序丹棱僻居蜀南談州邑者都夷之然舊稱厚倫美俗如魯之靈光視他縣尤近古今檢閱之下提其遺事為百韻一章非云風示亦詩人敬恭桑梓之意耳 漢置犍為郡南安得邑先名區分玉壘與壤附金蹕混莽因時閭民風與世遷飛枝張赤談曲浦遠丹川入度星臨井環城勢壓乾方與卑墨子靜僻遠蠻邊市乏通車巷郭饒負郭田祇今貽紀載自昔繫言詮縷註非驚晴發蒙畧啟元晴嵐橫鵲嶺古桂郁龜巖棚院人崇聖滄浪雪釣仙杠吞迥照日鐘奏蔚藍天白鶴傳聲振巖岩聳靜專杜陵詩似史謫官筆如椽列屋廊廡旣排行瓊瑤錫石牛奔前嶺金鴈泊海連馬跡深逾顯蜚形斷復連思梁鵲鐵若瀟灑奇飄然夷明舒眸

丹棱縣志卷一

輿地上

沿革

五

瀕漿起瘴瘴霧迴孤獨隱客到思量使勒壁思宸翰磨峻舞戒祥花卿昭順應許遷列明獨洞香無為近觀幽王見遠煉師超以脫生簿化而仙胡使爾朱去不令常德願卽州開法嗣醉老賦芸釐了覺浮生盡呈詞百代鮮靈光翻普照瑞宇峻孤圓楓落虬鱗矯雲平杖錫旋丹青標宋手宰堵絢唐磚茅市翔雙鳳竹林走偃佺赴溪看橋戲窺鶴見龍涎地位峨岷界人居巴蜀前農桑承似續禮讓樂陶甄蓂莢春中雨犁鋤陌上烟男耘家合耦女饁道塵肩月落山歌雜日高秧陣聯陂塘村足水稻穠戶盈阡適僦填腰鼓監工拽布旃刀耕砌蟻穴火種徠獲俗凸凹無虛壤蠃螺有力佃瓦盆兒女襲賈牖祖宗沿宅園供庖果野原裕繁綿犢駒匆淺獻驚驚泛清淵簷下豚蹄聚

籬頭松影翳冠婚參厚薄羨葬鮮循緣父老盈盈會賓朋處處延還貽伏臘贈屢肆歲時筵惟見衣冠樸弗聞車馬關遊談城市息嫉忿閭閻悵成慕虞尚質訟羞鼠雀穿往來無挾徑謳唱絕繁絃麥熟公方急綠黃賦不憚南山使恃險北賊豈能顛每賒休閑候而於林藪賦輕杼搜鉅港短桁截微潺鳥道橫疎網鹿場矢鍊鉛殘態草伏双制虎窩藏眷親友相將至二三自勞還頻頻冬積釀細創捕來羶飲饌雖如此珍錯亦足焉哺含嘻作息誦讀滿郊屋紹聖風流遠崇寧世業宣文章宗博士史斷仰長編節重登州牧箴思文若篇治經家法著作錄俗塵消尚憶叔融集猶尋漢炳箋道夫圖籍富信仲奏陳虔元祐人知學眉山家有傳脩良聲比漢氣節直同弦朝請冰操厲

廣都黨錮遭風生古給事義絕今當權固本收遺老懲荆滌聖嘆捧
章悲巨賤遺像繪思賢忠介龍圖謚孝亭奏議妍棄官非祿養守縣
誓軀捐仰止高山切景行志士顯雖云隣淺薄終自輕輕像守土遺
民愛居官不我瘝伸昂功在尉文墨美留硯學校楊公化膏腴唐漢
泉家吟蜀郡賦旅叩縉雲船勝國米棠蔭芳名列硯硯星甌饒數点
物象合彌千列岫環鵲蟻平崗展蕨拳迴瀾鱗育豐草免狐眠箇
桂臨崖聚香蓀映渚牽谷幽長韻蕙泥濁每榮蓮竹箭東南秀楓林
霜雪薦檜深枝碍日榆老英飛錢尉蒼喬松柏園園蔽梓梗黃鸝轉
夏木綠柳噪雄蟬秋抄空騰鶻春歸葉響鶻鶻濃情懷閨里閨境撫阿
峇物阜人滋壽時和歲有年樂安恬枕席清泰靜戈鋌點綴除支蔓

丹棱縣志卷一

輿地上

沿革

六

搜羅絕倫學舍毫青玉案舒嘯紫茸壇庶使封菲採毋傷雨露偏用
茲風四國王道樂平平【清進士邑人李昶元丹棱懷古詩】山間小
縣望玲瓏翠嶂丹崖處處同廬井今番成做邑文章先代有英雄頃
荒推調科名艷喬梓芳標相業隆龍鵠峯頭遺碣在讀書臺上憶家
風

疆域

縣在成都之南偏距有二百八十里東西距一百里南北距七十里東
至犍嶺十二里交眉山縣界南至中興場四十五里交夾江縣界西
至徐家坡九十里交雅安縣界北至石橋場三十五里交蒲江縣界東
南至黃家山四十里交眉山縣界西南至魏灘二十五里交洪雅縣界
西北至萬坪六十里交名山縣界東北至管坪六里交眉山縣界按縣
地四至山多於原

形勢

舊志云介岷峨之間位滄浪之乾龍溪環繞於前澄清而靜麓山擁蔽
於後聯合有情

丹棱縣志卷一

輿地上

疆域形勢

七

山脉

丹棱山脉自總岡蜿蜒而來崇峰峻嶺袤延數百里不斷上由蘆山口
天台寺起下至新津保子山止其陰雅安名山蒲江其陽洪雅丹棱岡
上產茶桐黃柏五倍子藍靛等物居人資以為生距縣城八十里一名
可募山總志分總岡可募為二山誤

【邑人李昶元登總岡望峨眉諸峯飲酒詩】山人居山日日間興來山
外尋高山納履出門上復上繞脚層層生烟縹緲此身隨霞舉照
眼萬峯低飛舞我眉一角立半空遙遙對我如相語凌雲瓦屋列當
前雅江匹練束峯巔南川幾點古城郭模糊蘆舍籠晴烟晴烟一碧
連春樹畫出迢迢嘉州路峯岫高低聳羅城屈指兒時遊賞處大呼

同伴取酒來安杯重上最高臺回首蔡蒙來背後兩屏侍衛酒筵開
一杯一杯醉且美長鯨吸倒三峽水昏昏直入天地初笑向天尊問
元始混沌年來幾春秋此山曾有幾人遊揮筆懸崖留勝跡雲烟繞
指走龍虬書罷長歌天更晚斜陽點綴紅雲小手捫星斗下層霄明
月送我歸來好

由總岡東折為北崖為盤陀皆峻峭多大石有望義清涼二閣滿禪滿
旭諸庵又有盤陀院由盤陀而東數里為符山又東為劉山楊山又東
為檣子埂挿旗山按山距縣城三十里為明末劉文秀操兵處清咸豐
十年滇匪藍逆破丹逆第二順戰歿於此

〔清進士邑人李昶元紀亂詩〕我居總岡巔賊擾總岡麓烽火四面紅

丹棱縣志卷一

輿地上

山脉

八

妖氛來飄忽直入丹棱城生靈遭荼毒焚掠徧鄉村搜捕及山谷老
弱填溝渠少壯為賊屈蹂躪一月餘慘不忍屬目又顧而之他縱橫
隨所欲去之日二三流民始漸復謂此大劫餘差可安食宿艱苦謀
春耕焦土架茅屋忽又官兵來橫暴遮相續始則妄誅求繼乃肆鞭
朴掘徧害出錢搜盡倉餘穀折屋供炊薪牛羊悉屠戮賊棄兵皆取
兵較賊彌酷夫役不擇人紳耆咸畏縮刀光驅子女血涕作僮僕甚
且殺無辜報功誣賊屬偶或與賊遇其退勇且速處處尾賊行相倚
如心腹視賊為奇貨縱之任出入日費國家糧何曾相角逐所以軍
興來兵賊兩和腔屍骨滿山林概是良民族哀哉亂離人何以遂生
育慘無天日光下情難上告言之不忌言直筆為痛哭〔又避兵詩〕

避兵無術又移居事出倉皇敢受廬眷口偕行都佩劍擔頭滿載半
裝書路經鳥道羊腸險入盡蛇驚鼠竄如覓得叢林容膝處團圞已
近四更初〔清拔貢邑人羅錫忠聞賊破丹棱舉家避亂詩〕烈焰冲
霄四面生魂銷語塞萬家驚鳥飛誤認旌旗影鶴唳兼疑草木兵腹
背逼人皆賊堂身心無主計宵征流離轉徙渾難定又向山林僻處
行〔亂後夜宿城外人家〕戰骨如麻血未乾腥風慄慄透人寒荒郊
鬼哭聲悲切古道磷飛影卧看但有狸狐號夜半不聞雞犬報更闌
擁衾坐待東方白寂寞歸途露尚溥
由挿旗而下為龍鶴山距縣城十八里一名龍鶴山上有天柱峯下有
龍涎洞洞旁刻委雪屯煙四字

丹棱縣志卷一

輿地上

山林

九

〔宋進士邑人李壽詩〕西山有佳人慣踏山下路晨吟澤畔風午睡巖
前雨英使兒輩覺損我崖壑趣已作清時鳥亂飛杜鵑更勸阿誰
歸似嫌佳處猶城郭不解攜家隱翠微〔明提學僉事王勅詩〕尋真
龍鶴夜方回不覺青雲燦斗魁正是笙簫吹院落漫誇燈火下樓臺
巽崖書院留行客山月松濤訝縱駛待得龍秋瓶硯滿化為霖雨遍
田隄〔天柱峯詩〕旋折虬枝當策筇三仙洞裏探蟠龍水醒丹井龍
初睡拾得耀珠下玉峯〔明令呂格詩〕經邱徙倚漫勞歌春日尋芳
勝事多遂蓋粟留供好語燒丹石竈尚餘他頭陀遺淫紛如許太史
長編可若何神道一碑棒莽裏等閒無事更來過〔師念祖詩〕樂閑
咸池六朔迴高飛直下崑崙臺此時黃蟬土精出化出山林雲岫開

與峽巫峯聯夢思洞天福地養丹胎即今疏箔虛堂上姑射仙人再冉來

【邑人徐浴德懷古】君不見龍鵠之峯高當巾萬山朝拱似朝宗又不見文簡之碑聳山半大書特書昭銘贊我來正值風雨秋撥雲一讀一長嘆老僧導我出雲烟松柏森森響杜鵑無心丹竈與龍涎緬懷流風仰山巔公之嗜古心如赤來觀石渠惟性適高名齊驅司馬光學術不樂王安石平生正直貫牛斗雪柏霜松名不朽不暇權肯不趨時臺諫高風古罕有臨民利濟出天性訟至立決清於鏡所過雙派與榮州至今遺碑刊德政長編著作發奇光上自建隆迄靖康大筆淋漓策丹陛鴻章鉅製炳琅琅吁嗟昔時眉山父子有家庭法誰似公之六子聯綿嗣科甲當時南宋諸臣豈無人誰似公之氣

丹校縣志卷一

輿地

山脈

十

節文章冠天下人生得此復何求願攜萬卷巽崖頭雙荔堂深風颭颭歌聲鏗鏘吞雲樓吞雲樓萬象幽使我登樓俯仰氣橫秋【寶陽姜學慚懷古】龍鵠山頭龍鵠飛神仙一去今不歸李楊燼鼎已無改徒載志來增山輝孤峯頂露羣峯外三宮九觀稱叢會邇來前蹤半莽榛崇真一觀獨遺蛻古來縹緲多荒唐巽崖芳躅何可忘山前古塚排翁仲山半御碑此矯昂當時衣冠裂南渡金雖未報空舍起救時反正早著議藝祖早圖陳掌故讀書恥讀王氏書溫公史例憑胸臆一代長編藏秘閣春秋以後推富儲况復相業傳溫國鶴鳴子和轍與載伐金一詔生氣凜參知樞密皆攝職翁之人品美霜松一門遇合真雲龍六子賢良兼理學一時蜀學推師宗我來名山殷訪古

吞雲吐月憑仰俯三彭先後曉英多至今人文應接武漫山松柏鬱芊芊文簡新祠今煥然準擬重九再來興扶筇一覽天柱巔鵠前有二宮九觀唐揚正見成無為李煉師得道處宋李壽少時讀書於此築室曰巽崖子壁真亦讀書於此

【宋李壽巽崖記】子真子三卜居乃得此山向東南背西北其位為巽為乾蓋處已非乾健無以立應物非巽順無以行易六十四卦仲尼損其九而三陳之起乎履止乎巽此講學之序也語曰可與共學未可與適道可與適道未可與立可與立未可與權夫人各有其履善惡分焉惟能謙可與共學惟能復可與適道知所適而無以自立則英能久故取諸常使久於其道或損之或益之至於固而不改若升

丹校縣志卷一

輿地

山脈

十一

未始隨意而達則所以自立者成矣雖然吉山禍福極發逆起又不可知符合於道其惟權乎然非巽則權亦不可行學而至巽乃可以權此聖賢事業也【宋魏了翁詩】古往今來一貉印行藏有道坎還流鳳凰池上春風夢龍鵠山頭夜月秋聞曳深衣聊獨樂有懷聯璧賦三遊何人得與子心會野水沾天一片鷗【清許念祖詩】南渡衣冠血戰腥江山勝得小朝廷人材零落付榛莽卅縣浮沈有典型閑戶愁看格天閣遊心直擬狩麟經巽崖數尺丹鉛地御墨長新氣節靈【清今黃雲詩】門壁峯華選轉深讀書臺畔一登臨人傳姓氏誇仙手名著文章在翰林雪柏霜松無世味鶴鳴子和有遺音我來為訪前賢跡彷彿溪邊憶明吟